

1. Da li je ovaj javni poziv otvoren do određenog roka, odnosno do kada se može aplicirati?

Odgovor: Planirano je da se grant sredstva za organizacije civilnog društva dodjeljuju tokom cijelog trajanja projekta „Podrška građanima u borbi protiv korupcije“, koji će trajati do septembra 2024. godine. Naša procjena je da će posljednji grantovi za NVO-e biti ugovoreni do kraja 2023. godine, kako bi ostavili dovoljno vremena za njihovu implementaciju.

Bez obzira na ovaj rok, mi ohrabrujemo sve zainteresovane organizacije civilnog društva, da iskoriste priliku i što je prije dostave svoje projektne prijedloge na ovaj javni poziv.

2. Da li je poziv i dalje otvoren imajući u vidu aktuelnu situaciju sa COVID 19?

Odgovor: Poziv ostaje otvoren, bez obzira na trenutnu epidemiološku situaciju. Molimo vas da pratite našu web stranicu i on-line platformu za apliciranje, na kojoj će biti objavljena sva ažuriranja i nove informacije vezane za ovaj poziv, ukoliko ih bude.

3. Da li projektne aktivnosti trebaju uključiti i direktan rad sa građanima?

Odgovor: Ovaj dio je u značajnoj mjeri pojašnjen u Javnom pozivu - Uputstvu za aplikante (posebno u dijelu Smjernice za kreiranje prijedloga projekata). Učešće građana je vrlo važan segment projektnih prijedloga. Cijeli ovaj projekat, u okviru kojeg je kreiran Program malih grantova, ima cilj da poveća učešće građana u borbi protiv korupcije. Samim tim, projektni prijedlozi aplikantata trebaju u fokus staviti uključivanje građana i zajedničko djelovanje u borbi protiv korupcije.

4. Da li se više preferiraju projekti na lokalnom nivou (sa manjim budžetom i trajanjem) ili kampanje ka višim nivoima vlasti (sa većim budžetom i trajanjem)?

Odgovor: Kao što je navedeno u javnom pozivu, obje vrste projekata (i oni koje su usmjerene na lokalni nivo, i oni koji se odnose na više nivoe vlasti) su prihvatljivi. S druge strane, imajući u vidu mnogo veći broj lokalnih zajednica, u odnosu na više nivoe vlasti, kao i obavezu uključivanja i učešća građana u borbi protiv korupcije, za očekivati je da bi se veći broj pristiglih i odobrenih aplikacija, trebao odnositi na konkretne probleme na lokalnom nivou.

5. Da li mogu aplicirati omladinske i studentske organizacije?

Odgovor: Sve organizacije koje su registrovane prema važećim zakonima o udruženjima i fondacijama mogu aplicirati na ovaj javni poziv. Problemi mladih, npr. korupcija u obrazovanju i sl. su svakako interesantni u kontekstu ovog javnog poziva.

6. Da li je neophodno da organizacija ima prethodno iskustvo u provođenju antikorupcionih projekata?

Odgovor: Iskustvo jeste poželjno, ali nije eliminatorni kriterij. Ako pogledate tabelu za vrednovanje, vidjećete da ovaj kriterij nosi 5 bodova. Zapravo, kroz ovaj javni poziv, između ostalog, želimo da pružimo mogućnost i organizacijama koje nemaju previše iskustva u ovoj oblasti, ali su prepoznale dobre probleme, imaju dobre kampanje i inicijative kroz koje žele, zajedno sa građanima, da se uključe u borbu protiv korupcije.